




U skladu sa odredbama člana 1. pod 1a, 1d; člana 2; člana 5. i 7. Zakona o računovodstvu i reviziji BiH i MOS, te Odluke o uslovima za stjecanje zvanja u računovodstvenoj profesiji BiH br. 28/07 od 13. 04. 2007 .g. i Odluke o izmjeni i dopuni odluke za stjecanje zvanja u računovodstvenoj profesiji BiH br. 69/08 od 24. 07. 2008.g., i 87/09 od 24. 08. 2009. utvrđen je pročišćeni tekst Odluke o uslovima za stjecanje zvanja u računovodstvenoj profesiji BiH, u kojoj je naveden datum stupanja na snagu navedenog akta, a koji je usvojila Komisija za računovodstvo i reviziju BiH, na svojoj sjednici održanoj dana, 24. 08. 2009. g. u Međugorju.

O D L U K A **O USLOVIMA ZA STJECANJE ZVANJA U RAČUNOVODSTVENOJ** **PROFESIJI BIH**

- PROČIŠĆENI TEKST -

I. Ovom Odlukom utvrđuju se USLOVI za stjecanje pojedinih zvanja navedenih u Odluci o vrstama profesionalno - stručnih zvanja na temelju implementacije MOS-ova, prema Zakonu o računovodstvu i reviziji BiH i Jedinstvenom Programu testiranja kandidata za računovodstvenu profesiju i to za zvanja:

-  **Certificiranog računovodstvenog tehničara**
-  **Certificiranog računovođe i**
-  **Ovlaštenog revizora**

Certificirani računovodstveni tehničar

1. Profesionalno stručno zvanje **Certificirani računovodstveni tehničar** podrazumijeva da kandidat ispunjava sljedeće:

1.1. Da ima četvorogodišnju srednju školsku spremu

1.1.1. Ako ima završenu srednju ekonomsku školu, treba imati dvije godine praktičnog rada na poslovima računovodstva, od čega najmanje jednu godinu na poslovima izrade finansijskog izvještaja, ili tri godine na poslovima vođenja poslovnih knjiga. Prilikom polaganja ispita, stječe pravo na redukciju ispita po Jedinstvenom programu.

1.1.2. Ako ima završenu neku drugu srednju školu, koja nije ekonomskog usmjerenja, treba imati dvije godine praktičnog rada na poslovima računovodstva, od čega najmanje jednu godinu na poslovima izrade finansijskog izvještaja, ili tri godine na poslovima vođenja poslovnih knjiga. Prilikom polaganja ispita, nema pravo na redukciju ispita po Jedinstvenom programu.



1.2. Da položi profesionalno-stručne ispite predviđene za profesionalno zvanje Certificirani računovodstveni tehničar.

1.3. Da prihvaća prava i obaveze iz Kodeksa etike za profesionalne računovodstvene eksperte, a posebno da prihvaća obavezu kontinuiranog stručnog usavršavanja u cilju obnavljanja i inoviranja svojih profesionalno-stručnih znanja, predviđenih za ovaj stepen stručnog zvanja, a u skladu sa članom 6. stav 3. Zakona o računovodstvu i reviziji BiH.

1.4. Predmeti koji se polažu za ovaj nivo zvanja:

- ✓ **Uvod u finansijsko računovodstvo,**
- ✓ **Troškovno računovodstvo i upravljačko računovodstvo,**
- ✓ **Upravljanje i komunikacije,**
- ✓ **Informacijska tehnologija i primjene.**

Certificirani računovođa

2. Profesionalno stručno zvanje Certificiranog računovođe može steći osoba koja ispunjava slijedeće uslove:

2.1. Da ima završen prvi ciklus dodiplomskog studijskog programa (prvi ciklus podrazumjeva završen fakultet u trogodišnjem ili četvorogodišnjem trajanju) ili višu školu.

2.1.1. Ako osoba ima završen fakultet tada treba imati najmanje dvije godine praktičnog rada na poslovima vođenja poslovnih knjiga, od čega najmanje jednu godinu na sastavljanju finansijskih izvještaja,

2.1.2. Ako osoba nema završen fakultet nego samo višu školu, tada treba imati najmanje četiri godine praktičnog rada na poslovima vođenja poslovnih knjiga, od čega najmanje dvije godine na sastavljanju finansijskih izvještaja,

2.2. Da položi profesionalno-stručne ispite predviđene za stjecanje zvanja Certificirani računovođa,

2.3. Predmeti koji se polažu za ovaj nivo zvanja:

- ✓ **Poslovno pravo i porezi**
- ✓ **Primjena upravljačkog računovodstva**
- ✓ **Finansijsko izvještavanje**
- ✓ **Revizija i sustavi interne kontrole**
- ✓ **Primjena finansijskog menadžmenta**

Ovlašteni revizor

3. Ovlašteni revizor je stručna osoba koja ima završen prvi ciklus dodiplomskog studijskog programa i zvanje Certificiranog računovođe s najmanje tri godine radnog iskustva u ovom zvanju, te položene ispite predviđene za ovo zvanje.

3.1. Ispitima se dokazuje nužni nivo profesionalne stručnosti za samostalno davanje mišljenja o fer i korektnom prikazu finansijskih izvještaja koji su predmet revizije.

3.2. Pored uslova iz stava 1. ovog člana, kandidat mora imati najmanje tri godine praktičnog rada, kod ovlaštenog revizora. Pored toga, ako je radio kod ovlaštenog revizora morao je raditi godišnje na najmanje dvije revizije. O naprijed navedenim činjenicama potvrdu izdaje ovlaštenu revizor kod koga je radio kandidat.

3.3. Ukoliko kandidat zadovoljava naprijed navedene uslove, on mora prihvatiti obavezu poštivanja Kodeksa etike profesionalnih računovodstvenih eksperata i stalno profesionalno usavršavanje predviđeno za ovo profesionalno zvanje.

3.4. Međutim, u razdoblju od narednih deset godina, zvanje „ovlaštenog revizora“ može steći osoba koja ispunjava odredbe stava 1. ove tačke i položi ispite predviđene za ovo stručno zvanje.

3.5. Pored znanja i iskustva utvrđenih za Certificiranog računovođu, Ovlaštenu revizor treba posjedovati dopunska aktualizirana znanja o MSFI i Međunarodnim standardima revizije, te tehnikama revizije finansijskih izvještaja.

3.6. Program za polaganje ispita za Ovlaštenog revizora obvezno obuhvaća materiju iz predmeta:

- ✓ **Napredno upravljačko računovodstvo**
- ✓ **Revizija upravljanja i ispitivanja**
- ✓ **Napredno finansijsko izvještavanje**
- ✓ **Napredni finansijski menadžment**
- ✓ **Strategijski menadžment**

3.7. Praktično iskustvo može se stjecati prije, tokom ili nakon polaganja ispita, s tim da kandidat ne može steći profesionalno-stručno zvanje dok ne ispuni zahtjeve u vezi s praktičnim iskustvom.

3.7.1. Nakon stjecanja zvanja Certificiranog računovođe kandidat može pristupiti polaganju ispita za stjecanje zvanja Ovlaštenu revizor ali mu entitetski Savezi nakon položenih ispita neće izdati certifikat Ovlaštenog revizora dok kandidat ne stekne trogodišnje radno iskustvo u zvanju Certificirani računovođa i dostavi dokaz o istom. Radno iskustvo se dokazuje kopijom radne knjižice i potvrdom poslodavca da je kandidat obavljao poslove u skladu s podtačkom 4-2) Odluke o vrstama profesionalno – stručnih zvanja na temelju implementacije MOS-ova („Službeni glasnik BiH“, broj: 81/06)

II. Ova Odluka stupa na snagu danom donošenja.

Stupanjem na snagu ove odluke, prestaje važiti Odluka o uslovima za stjecanje zvanja u računovodstvenoj profesiji BiH br. 28/07 od 13. aprila 2007. g.

III. Izmjene i dopune Odluke vrše se po postupku kako je donesen i osnovni tekst Odluke.

Broj: 88/09
Mostar, 24. august 2009. g.

Predsjedavajući
Komisije za računovodstvo i reviziju BiH

Augustin Mišić